

孫鐵避

圍公戎

山談
嘉叢

圍談話



避

戎

嘉

話

石茂良
撰

中
華
書
局

歷代小史卷之五十五

避戎嘉話

宋石茂良撰

靖康丙午仲冬金人再犯京師統制姚友仲領右中三軍備禦閏十一月三日賊攻通津門甚急友仲帶領軍將副部隊將子弟効用一千餘人往通津門救護軍兵下城接戰殺傷甚衆初七日晚殿師王宗楚帶領衙兵一千餘人下城與賊接戰高師旦死之是夜友仲正策應南拐子城賊交鋒正在北拐子城下躬率將校施放弓弩監督砲石凡數陣皆為砲箭所臨雖不少負亦不大勝賊勢稍退初三至初八凡六日措置稍々就緒初九日早宣化門告急又帶一行人往宣化門守禦南北拐子城皆捍禦水門者也水門

不可遽犯故急攻二柵子城矢石如雨樓櫓皆毀壞友仲於南柵子城上別造兩圓門去馬面三十步許用磚砌成中開下轅門干戈板間下如城門法四面皆置女牆迎敵皆自轅門萬一賊兵厚重則入轅門放下干戈板又是柵子城也磚城下闊五尺高一丈二尺五寸不日告成通津門兩柵子城正是受敵處守禦有方終不可破皆友仲之力凡守柵子城務要令人少肅靜可以應敵人少可以迎衆友仲首到南柵子城便令畫柵子圖西廊每門兩人守踏定板外鑰匙須敵樓上與虛棚凡三層止是受敵處每間不得過十五人弓弩槍斧手相間分作三番晝夜輪轉更其勞逸使得休息萬一賊人不測侵犯自有備禦之法也初九日到宣化門護龍河內賊橋也疊過半矣但未有砲猶可捍禦友仲遂選神臂

弓強弩手下臨分布牀子弩弩九牛弩多置大小砲座又於攻打處絞縛致勝棚一日而就成衆指爲鬼工凡十日賊橋不能寸進賊人疊橋之法先用牌浮水面次用一重柴一重蓆一重土增渡如初矢石火皆不能入橋之外正是賊寨望之燈火如晝五方百步一望不斷斧鑿之聲聞於遠近其攻城之具又有火梯雲梯編橋鵝車洞子兵法爲木驢撞竿堦竿之類火梯雲梯編橋皆與城櫓齊高亦有高於城者皆可以燒樓櫓雲梯編橋可以倚城而上下皆用車軸推行此三物惟撞竿可以禦之撞竿用大木長可數丈者又用橫木數十條中穿而下留手把可以致力頭以鐵裹或以大鐵鎗或安以托叉鉤頭可也每一樓子上常置撞竿三兩條俟其火梯雲梯編橋至城下則徐應之不必驚擾既撞定梯橋則衆手

用鐵鈎鈎定進不得前退不得後則火自焚橋亦壞人亦墜矣萬
一撞竿不中則用狼牙槍手砲架槍手禦之亦不能上惟要當鋒
得人通津門枋子城每爲賊人攻打前後共壞火梯雲梯驚車編
橋十數座皆此也洞子可以治道可以攻城其狀如合掌上銳下
濶人往來其中即次續之有長數丈者上用牛皮生鐵裹定內用
濕氈中用太康矢石火皆不能入治道則欲安砲并推梯橋之類
攻城則欲取土透城皆不足惧也兵法之禦洞子用鐵蒺藜懸下
而敦之其法以熟鐵濶徑長一尺二寸四條縱橫布如蒺藜形鎔
生鐵灌其中央重五十斤上安其鼻連鎖擲下敦訖以輓轆紋之
若洞子上有牛皮并泥敦著即舉速放火炬油燒火賊人用洞子
穿地道來追於地道上直下穿井以待之積薪草安井中如火薰

之或有用火砲納於其中則敵自焦灼又用游火用鐵筐盛火如
脂蠟毒藥懸縋下燒薰穴中攻城人有用燕尾炬縛草分爲兩岐
如燕尾狀以油蠟灌之從城墜下騎洞子燒之如此皆禦洞子法
也撞竿至則作屋桑木爲之桶索相連撞竿須連以環串竿頭於
兩旁令壯士牽之鈎竿至則用栲栳乘其鈎亦令壯士牽之乘勢
猛放則竿與人俱倒惟砲架最難制禦金人砲架四旁並用濕榆
小椽密簇定又用生皮并鐵葉裹定鷓鴣須火不能入其砲有七
梢五梢三梢兩梢獨梢旋風虎蹲等砲內七梢可以致遠其石六
五梢等亦可以致遠其上或放雙砲友仲先於樓子上受敵處絞
縛棚上羅索網井下擺糖布袋濕馬糞又於城頭馬面上懸穿濕
榆櫨木筴籬格毳雖慢然亦可以避砲也城下地廣安砲多城上

地狹安砲少最爲受敵十九日夜賊人一夜安砲五千餘座城上雖棚人皆不可存住死於砲者日不下二三十人友仲到宣化門上日恐賊人者有破議幫築城身之法視受敵樓子遠近築面濶一丈二尺五寸下脚濶二丈五尺高五丈四邊皆有虛棚女牆復於旁置兩小門如城門法萬一賊兵上城頗有限隔可以迎敵不幸爲提刑秦元所阻秦欲幫築目城議論不同朝廷遷延不斷遲十日後雖竟從友仲之請然夜息晝作亦如平時功終不成惜哉百十九日夜賊安砲之後矢石不可尽二十一日橋成先有黑旗子三人先登所都統王燦姚友仲揮驍勇使臣與西兵數十人下戰亦殺數人賊退橋之南入洞子中俄頃宰相何貞至黑旗子復如前登岸城中方弩箭如雨賊兵略不顧欲交鋒西城下寨一兵

約六七百人望風退走賊亦不追城上皆厲聲呼云後面無賊然勢不可回隔岬矢石如雨中傷者數百人自填於陷馬坑者三十餘人賊兵望風輕笑宰相親見之而不恤初縛虛棚時友仲使多備濕麻刀舊氈衲襖蓋防賊人有火箭火炮也幸而金人不善制此二物二十三日賊橋漫廣友仲遣張宗頰閻維段永年領敢死兵三百人血戰於城下用純斧隊斫壞洞子七所賊衆敗走乘勢遂北涉河至中流冰解陷死者數十人返爲賊兵掩擊豈天殆我師也二十四日早賊推大梯四乘來攻字號樓子三乘皆爲撞竿所壞又再來撞撞不着火熾逼着樓子泐燒字號及三樓子賊皆登城舞黑旗鼓譟然爲樓上火盛不可過友仲仗劍擁班直守禦官軍等放火弓弩交發又用鍊金汁潑賊皆墮殺傷衆賊遂退三

樓子皆爲大燼矣是夜再安樓子三座又爲賊砲所碎二十四日
雪大下至晚深二尺餘加之風聲號怒二十五日風雪愈甚早間
大破宣化門出郭京人馬與賊接戰賊衆見所燒樓子未成頽毀
撞竿未備賊遂登城衆潰城陷初京之出也城中居民跂踵延頸
于宣化門者數千人立挨捷報及京敗城門急閉賊帥大怒鳴鼓
振旅鐵衣滿野多若蝼蟻皆汙城而上城遂陷友仲二十五日晚
於南城爲軍民所毆打至死肝腦塗地委填溝壑骨肉星散不知
所在家貲刼掠掃地痛哉天不祐善人如此友仲將種也三世忠
孝聲聞滿於夷夏自守禦以來夙夜勤勞食息不暇在諸將中尤
無負於朝廷者今反被禍若此先是閏月一日百姓毆殺本壁統
制辛康宗辛公指揮城上兵軍不見賊不得亂放箭砲百姓疑其

姦細故殺之朝廷縱而不問故軍兵百姓聚衆殺人在一時指揮之間殊不為怪蓋京師承平之久無知小民游手浮浪最多平居除旅店外多在大房浴堂櫃房雜處里巷強梁不在數也乘此擾攘聚衆作亂甚者趕罵宰相絲壁內侍打殺統制放火焚燒莫知其數先是今年秋友仲議欲於都城置訪巡十六員新門四隅四員舊城內四員每員皆一正一副每員統兵五百人遇有緊急則一正將帶領二百五十人救援留二百五十人在地分或有細民乘勢作過當以軍法從事仍都巡檢三員在新門內一員在舊門內以摠其事惜朝廷不從其請友仲之議意恐小人喜亂故欲設此防民而友仲親被其禍豈靈於人而不靈於已耶友仲之死門生故吏無一哭其屍者戕良訴於王燦始收拾遺骸雪冤於朝廷

竟而有靈亦少伸也

靖城陷議和上見二酋作二降表過北皆孫觀受益之筆其略云
三里之城遂失籬藩之守七世之廟幾爲灰燼之餘既干汗馬之
勞敢緩牽羊之請恭惟大金皇帝陛下云云又云上皇負罪以播
遷徵臣捐軀而聽命又云社稷不殞宇宙再清粘罕抹去大金二
字止欲稱皇帝又指宇宙二字云大金亦宇宙也又易負罪二字
爲失德朝廷不得已皆從之

金初人至城下姚友仲與諸將議計之便幸其遠來賊衆必疲行列
未成若選五萬精兵出四門分爲十頭頂乘勢而擊出其不意攻
其無備衆必潰亂有可破之理過此則日復一日賊勢愈盛援兵
不至士氣阻喪雖悔無及矣是時唐恪止其事專在和議而已後

攻城既急友仲復與諸將議急遣使講和爲便累白何桌方料金人粮道不繼不日就擒堅不可和唐恪謬誤於前何桌寡謀誤國於後獨姚友仲於閏月三日往來東南兩壁以來策應至二十五日城陷晝夜勞苦最爲有功被禍獨甚於二相天意不可知也金人今春既出境朝廷措置多不急之務如復春秋科太學生免解改舒王從祀之類時爲語曰不管肅王却管舒王不管燕山却管聶山不管山東却管陳東不管東京却管蔡京不管河北界却管秀才解道略之言切中時病如此

淵聖幸虜營不返謝元及作憶王孫其詞有云依依宮柳厭營牆樓殿無人春晝長燕子歸來依舊忙憶君王月破黃昏人斷腸

正月十五日淵聖在虜營是日陰雲四垂家家愁苦向之鰲山教坊

百戲景龍燈火之樂不可同年想也士大夫憂憤作歌行者甚衆
獨胡處晦上元行膾炙人口今附於左上元愁雲在九重哀韶落
日吹腥風六龍駐驛在草莽孽胡歌舞蒲萄宮抽釵脫釧到編戶
竭澤枯魚充寶賂聖主憂民民更憂驕子牒天天不怒向來艰难
傳大寶父老談言似仁廟元年二月城下盟未覩名臣繼嘉祐哀
痛今年塵再蒙冠劍夾道趨辭公神龍今在九淵臥安得屢困蛟
蛇中朝廷中興無柱石薄物細故昭帝力毛遂不得處囊中遠慚
趙氏廝養卒今日君王歸不得傾城回首歌悲啼會看山呼聳動
地萬家香霧燒天衣胡兒胡兒莫耽樂君不見夕月常虧東北角
鴻臚主簿鄧肅作靖康行云女真作意厭人肝揮鞭直指來長安南
渡黃河如發地東望太行不能山帝城周迴八十里二十萬兵氣

烈熾旌旗城上亂雲烟腰間寶劍橫秋水雪花一日故濛濛皂幟
登城吹朔風我師舉頭不敢視脫兔徭豚一掃空夜起火光迷鳳
關鉦鼓碎轟地歌裂斯民嗷嗷將何之相顧無言惟泣血僕射何
公扣龍墀閉門相臣噬臍疾竒兵化作乞和使誓捐一死生群黎
遊談滿空胡師怒九鼎如山不復顧如南期說上皇輿載被橫流
意歸去陛下仁孝有真均忍令胡騎縱吾親不龜太始自鞭馬一
出喚回社稷秦胡人慕德猶貪利千乘載金未滿意釵釧那爲六
官留大索居民殘卷地六龍再爲蒼生出自磨虎牙恬不恤重城
兀兀萬胡奴杳隔鑾輿今十日南城赤子日駢闐爭掬香膏自頂
燃忿氣如雲淚如雨漫漫白晝無青天太王避狄空金帛坐使卜
年喻八百天聽端坐民心耳蒼蒼誰云九萬隔會看春風擁頰黃

萬民語呼喜欲狂天宇無塵瞻北極旄頭落地作頑石後亦被虜
至三月二十四日放回

初京城被圍朝廷急於命將有郭京者乃殿前司龍衛營兵負耳

京師

呼爲瞎京師盛傳能用六甲法可以生擒粘罕幹離不餘衆可以

掃蕩無遺類其法軍兵七千七百七十七人嘗自試於內廷其法
不得而聞朝廷深信不疑授以成忠郎錫以金繒動數萬計使自
募兵賜予賞賚恩數備至人皆呼爲郭尚書蓋營寨俚俗呼兵員
之稱也其所召人皆市井游惰色色有之不問騎射善否但擇年
命合六甲者足矣有賣線劉六者與姚宅北隣僕熟識之郭京一
見授以將命他省類此賊兵攻圍甚急郭京談笑自若動似有道
者擇日出兵可致太平直殺至陰山而止其所招軍兵但欲斫首

兩不必戰也前置天王旗每壁分三面以鎮四壁按五方色或盡天王或盡北斗不知何法也又有劉無忌者乃街市貨藥道人常倒立泥中懸一服藥牌子亦作統制內外許之蓋取丘濬詩郭京楊或劉無忌皆在東南卧白雲之識也又有僧傳臨山請亦如京募兵稱統制常與京相追隨二十五日早宣化門大開郭京出兵城中居民跣踵延頸于宣化門者數千人立俟捷報俄頃報云郭京前軍已得大寨立旗於賊營矣又報云前軍又奪賊馬千匹矣姚友仲疑之與石茂良登敵樓而望正見賊兵整定人馬忽有郭京下使臣來傳令云樓子上除守樓子使臣軍兵外餘人並不得上樓子蓋天甲法能使人隱形若樓上人多恐賊兵覘望言猶在耳賊兵兩兩翼翼鼓譟而進衝斷前軍一掃而空若刈茅草居後